

Pampango God's Simple Plan

Ding Banal A Kasulatan

Uling ding sabla mikasala la, at e ra akamtan ing ligaya na ning Dios; Tau Roma 3:23

Uling ding bayad ning kasalanan ing kamatayan; dapot ing kalam nang alang bayad ning Dios ya ing bie alang angga kang Jesucristong Guinu tamu. Tau Roma 6:23

Uling king kalam makakabus kayu king pamamilatan na ning kasalpantayanan; at e ibat kekayu mu rin, iti kalam na ning Dios; E king uli ra ding dapat, bang ninuman e ya magmarangal. Tau Efeso 2:8-9

Dapot ing manyingil buis, makarayu ya, e no buring italanga muman banua ding mata na; dapot durugdugan ne ing salu na, ngana, Dios, pakalulu ka kakung palpikasala. San Lucas 18:13

Uling king lugud ning Dios king yatu, binie ne ing Anak nang bugtung, bang ing ninu mang maniwala kea, e ya mate nung e mirinan yang bie alang angga. Uling e ne pin tinubud ning Dios ing Anak na king yatu bang atulan ne ing yatu; nung e báyang mikabus ing yatu king pamamilatan na. San Juan 3:16-17

E ko mirasnan nanumang tuksu a e na malyaring apibata ning ninumang tau: dapot tapat ya ing Dios, a iti e na paintulut king tuksuan dakayu a maiguit ketang aguiu yung pibatan; dapot kalangkap ning tuksu, gawan na ne man ing dalan na ning pamanakas, báyang malyaring apibata. 1 Tau Corinto 10:13

Uling mapipilit ku, king ni ing kamatayan, ni ing bie, ni ding ángeles, ni ding kayupayan, ni ding bague a kasalukuyan, ni ding bague a datang, ni ding upaya, Ni ing katasan, ni ing kalalaman, ni ing nanumang aliwang melalang, maguing malyaring mikawani kekatamu king lugud ning Dios, a atiu kang Cristong Jesús a kekatang Guinu. Tau Roma 8:38-39

Uling i Cristo ya ing kawakasan na ning kautusan a ikapagbanal na ning balang metung a maniwala. Tau Roma 10:4

(Uling sasabian na, King panuan a matatanggap pekiramdaman daka, At king aldo na ning kaligtasan seupan daka; Oini ngeni ing panuan a matatanggap; Oini ngeni ing aldo na ning kaligtasan): 2 Tau Corinto 6:2

Ngeni inyang dimdam da iti, menamdám la karing karelang puso, at sinabi ra kang Pedro ampon karing aliwang apostoles, Kapatad a lalaki, nanung daptan mi? At i Pedro sinabi na karela, Sumisi kayu, at pabinyag kayu balang metung kekayu king laguiu nang Jesucristo king kapatawaran ning kasalanan yu; at tanggapan yu ing kalam ning Espíritu Santo. Ding Dapat 2:37-38

At misulud ko king taung bayu, a iti dikil king lelangan na ning Dios king katuliran at kabanalan ning katutuan. Tau Efeso 4:24

Agpang king makasulat, Alang banal, ala, metung man; Tau Roma 3:10

Inya pin, nung makananu a king uli ning metung mung tau ing kasalanan linub king yatu, at king uli ning kasalanan, ing kamatayan; at kaniti ing kamatayan dinalan karing anggung tau, uling ding sabla mikasala la:-- Tau Roma 5:12

Uling i Cristo, inyang maina tá pa, king kapanaan, mete ya king uli ra ding mangarawak. Tau Roma 5:6

Dapot ing Dios itatalaga na ing keang lugud dikil kekatamu, uling kanitang itamu makasalahan ta pa, i Cristo mete ya king uli tamu. Tau Roma 5:8

A metunggue nang Anak ning Dios maki kayupayan tungkul king espíritu ning kabanalan, king keang pangasubling mebie ibat karing mete; Tau Roma 1:4

Pangabaluan king i Cristo pamaniubli na nang mebie karing mete e ne mate; ing kamatayan ala nang pamaniakup kea. Tau Roma 6:9

Uling nung ipasiag me king keang asbuk i Jesús anting Guinu, at paniwalan mu king keang pusu king ing Dios pepasublian neng mebie ibat karing mete, ika miligtas ka: Tau Roma 10:9

Uling, ninu ya man ing maus king laguiu ning Guinu miligtas ya. Tau Roma 10:13

Uling mapipilit ku, king ni ing kamatayan, ni ing bie, ni ding ángeles, ni ding kayupayan, ni ding bague a kasalukuyan, ni ding bague a datang, ni ding upaya, Ni ing katasan, ni ing kalalaman, ni ing nanumang aliwang melalang, maguing malyaring mikawani kekatamu king lugud ning Dios, a atiu kang Cristong Jesús a kekatang Guinu. Tau Roma 8:38-39